

Regenza refusa infurmaziuns davart sperdidas da taglia

La regenza respunda ad ina dumonda parlamentara da deputà Mathis Trepp (ps Cuir)

DA MARTIN CABALZAR

■ **Damai che la dumonda da deputà Mathis Trepp (ps Cuir) davart las consequenzas da l'ultima revisiun da la lescha da taglia che chaschunian memia blera lavur a l'administraziun n'è la regenza betg pronta da dar scleriment en il rom d'ina dumonda parlamentara. Tals scleriments stuessian vegnir formulads en furma d'ina incumbensa, argumentescha la regenza.** Sco quai che *Mathis Trepp* constatescha en sia dumonda parlamentara ha la revisiun da la lescha da taglia da l'onn 2009 chaschunà – pervia da differentas reducziuns pussaivlas da la taglia – era ina reducziun da las premias da las cassas da malsauns. «Questas deducziuns na possian dentant incontestadamain betg vegnir consideradas e motivadas cun la politica sociala», punctuescha Trepp. Unanimamain haja il cussegl grond approvà 2013 la missiva da la regenza per curreger questas consequenzas. Tant regenza sco administraziun hajan dentant refusà da dar infurmaziuns davart consequenzas supplementaras da la lescha da taglia, argumentond che quai dettia memia blera lavur.

Transparenza è necessaria

Per survegnir ina survista cumplexsiva ed avoir la trasparenza necessaria èsi dentant tenor deputà Mathis Trepp «absolutamain indispensabel» d'avoir indicaziuns davart l'effect fiscal da la revisiun. D'interess sajan s'entelli era las perditas da taglia per il chantun e per las vi-



Deputà Mathis Trepp (ps Cuir) taxescha la refusa da dar scleriment sco «refusaziun da lavur» da l'administraziun e sco «impertinenz» da la regenza.

FOTO Y. BÜRKL

schnancas. «Dad in grond dumber da la populaziun vegnan questas consequenzas consideradas per part sco fitg negativas e savens per bler pli voluminusas ed impurtantas», pretenda Mathis Trepp.

Tenor Trepp fissi interessant da schar constatar ina dretgira sch'il parlament ha il dretg da pretender infurmaziuns pli detagliadas davart in project u betg. La deposiziun da l'administraziun da taglia che sia dumonda na stettia betg en connex direct cun la revisiun preveda saja ina interpretaziun fallada ed in'intervenziun politica inadmissibla da l'administraziun en fatschentas parlamentaras. Quai stoppia vegnir refusà en moda decidida.

Perquai saja el deplorablamain stà sforzà d'inoltrar ina dumonda parlamentara en scrit per garantir il dretg dal par-

lament da survegnir infurmaziuns, ha declarà Mathis Trepp a La Quotidiana.

Dumondas avertas

Concret vulevan Mathis Trepp e ses collegas socialdemocrats intervegnir da la regenza quant grondas che las perditas annualas da taglia èn per chantun e vischnancas dapi che la refurma da la lescha da taglia è entrada in vigur l'onn 2010. Las perditas per las 10 vischnancas las pli grondas duain vegnir inditgadas a moda separada. Plinavant ha Trepp vult savair quant che las deducziuns annualas muntan per persunas cun entradas da passa 300 000 francs, passa 150 000 francs e passa 80 000 francs.

Plinavant saja era la dumonda schi na dettia betg ina basa legala che prevesia

ch'ina decisiun da la regenza u da l'administraziun stoppia vegnir relaschada en furma d'ina disposiziun contestabla. Sche quai na saja betg il cas dumonda Trepp la regenza sch'ella saja pronta da stgaffir la basa legala per tals cass.

La regenza respunda

La regenza conferma ch'il cussegl grond haja il dretg da survegnir infurmaziuns da l'administraziun. Tenor avis da la regenza è quest dretg dentant restrenchì ad infurmaziuns che èn econuschentas a l'administraziun u a dumondas che pon vegnir respundidas senza blera lavur. Sche l'administraziun refusa ina tala dumonda possia il petent sa drizzar a la conferenza dals presidents, quai che na saja betg capità en quest cass.

Tenor la regenza po il cussegl grond pretender da la regenza scleriments davart fatschentas impurtantas. Questa disposiziun saja dentant fitg curta e na prevesia betg in quorum che stuess esser ademplì. I saja pia chausa da la regenza da definir il cuntegn ed il grad da precisaziun da la resposta parlamentara.

Da l'autra vart possian cumissiuns, fracziuns u almain 20 deputadas e deputads inoltrar ina incumbensa. Quella fetschia pretendens substantzialas pli grondas davart il quorum ed haja vigur lianta. La finala decida dentant il cussegl grond sch'ina incumbensa vegn assignada u betg.

Cun l'incumbensa po la maioritad dal cussegl grond supplitar la regenza da daventar activa en in tschert sector, en spezial era da procurar per scleriments pli profunds resp. d'elavurar in rapport u in project da lescha. Cun l'instrument parlamentar da la dumonda cuntercomi possia in singul deputà far dumondas a la regenza davart fatschentas impurtantas. La resposta ad ina dumonda stoppia esser pussaivla cun bler main lavur che d'elavurar in'incumbensa.

Var 10 dis lavur

La dumonda da Trepp na possia betg vegnir respundida senza far scleriments pli profunds. Tenor infurmaziuns da l'uffizi da taglia stuessian vegnir programadas ed elavuradas durant bieras uras evaluaziuns en il sistem d'informatica. Tut en tut stoppian ins far quint cun var 10 dis lavur. Tals scleriments na pon tenor la regenza betg esser l'object d'ina dumonda, mabain stuessian vegnir formulads en furma d'ina incumbensa.

Tenor la regenza na datti tar differenzas d'opiniun davart il dretg da survegnir infurmaziuns nagina procedura da meds legals. Ils conflicts stoppian vegnir reglads entaifer da debatta en il cussegl grond. Questa regulaziun saja raschunavla ed i dettia perquai nagin motiv da midar questa regulaziun